

Fundur Svæðisráðs Norðursvæðis Vatnajökulsþjóðgarðs 13. janúar 2012 haldinn að Laugum í Reykjadal.

Mættir kl. 13.30:

Sigbrúður Stella Jóhannsdóttir frá umhverfisverndarsamtökum, Böðvar Pétursson Skútustaðahreppi, Soffía Helgadóttir Norðurþingi, Friðrika Sigurgeirssdóttir frá Þingeyjarsveit, Grétar Ingvarsson frá samtökum útivistarféлага og Hjörleifur Finnsson þjóðgarðsvörður sem ritar fundargerð. Gestur fundarins er Þórður Ólafsson framkvæmdastjóri.

Dagskrá:

- 1. Tillaga að rekstraráætlun, framkvæmdaáætlun og aðgerðaáætlun**
- 2. Skýrsla samráðshóps um samgöngur og erindi 4x4**
- 3. Ársfundur 2012, staðsetning og þema**
- 4. Önnur mál**

1. Þórður kynnir Rekstraráætlun fyrir 2012. Nokkur umræða varð um áætlaðar sértekjur, sem menn telja bjartsýna en þó ekki óraunhæfa. Aðgerða- og framkvæmdaáætlun. Framkvæmdir við Dettifoss ræddar sérstaklega en þar eru enn ófrágengin mál við landeigendur sem klára þarf áður en framkvæmdir geta hafist.

2. **Í umfjöllun þessa liðar er vísað í kaflanúmer í skýrslu samráðshóps um samgöngur í Vatnajökulsþjóðgarði.**

3.1.1: Vísað er í tillögu svæðisráðs að verndaráætlun um vetrarakstur í Öskju.

3.1.2: Sv. ráð lýsir yfir stuðningi við ályktun samráðshópsins.

3.1.3: Sv. ráð lýsir yfir stuðningi við ályktun samráðshópsins.

3.1.4: Sv. ráð lýsir yfir stuðningi við ályktun samráðshópsins.

3.3.8: Sv. ráð lýsir yfir stuðningi við ályktun samráðshópsins.

3.1.9: Þar sem aðstæður eru mismunandi á milli svæða og einstakra leiða telur

svæðisráð æskilegt að setja reglur um tilkynningskyldu hestamanna annarsvegar og

sérstakt leyfi þjóðgarðsvarðar hinsvegar og viðmiðunarfjölda hrossa í þeim tilvikum.

3.1.10: Fellur utan þjóðgarðs.

3.1.11: Svæðisráð tekur undir síðustu málsgrein ályktunarinnar.

3.1.12: Svæðisráð sammála ályktun.

3.1.16: Svæðisráð tekur undir ályktunina hvað varðar ökuleiðir, en telur að gönguleiðir og reiðleiðir eigi ekki alltaf að stika. Aðstæður eru í raun mjög misjafnar og á því stikun ekki alltaf við.

3.1.18: Svæðisráð styður ályktun samráðshópsins.

3.1.19: Svæðisráð telur að fylgjast verði vel með umferðarþróun og grípa til þeirra aðgerða sem nauðsynlegar eru hverju sinni.

3.1.20: Svæðisráð tekur undir ályktunina hvað varðar hálendisvæði en taki ekki til svæða með sérstökum skilyðrum svo sem Öskju og Jökulsárgljúfur.

3.1.24: Mikil umræða. Hjörleifur rakti rök fyrir áframhaldandi lokun Vikrafellsleiðar og taldi ennfremur að ef Vikrafellsleið væri opnuð aftur þyrfti að endurskoða annað skipulag á svæðinu og þá sérstaklega aðrar ökuleiðir og gönguleiðir. Grétar rakti rök með opnun Vikrafellsleiðar. Stella skýrði samhengi verndarflokka og víðerna við umræðuefnið. Böðvar, Soffía, Grétar og Friðrika styðja ályktun B og vísa til ályktunar sveitarstjórnar Skútustaðahrepps. Sigprúður Stella styður ályktun A og boðar bókun.

Bókun sveitarstjórnar Skútustaðahrepps frá 8. desember 2011:

Sveitarstjórn Skútustaðahrepps mælir eindregið með því að Vikrafellsleið verði opin eins og lagt er til í ályktun B í skýrslu starfshópsins. Þá er gert ráð fyrir að Vikrafellsleið verði tekin inn á aðalskipulagsupprátt sveitarfélagsins.

Eftirfarandi bókun barst innan 24 tíma frá Sigprúði Stelli:

Undirrituð telur að Stjórnunar- og Verndaráætlun Vatnajökulsþjóðgarðs eigi að standa varðandi Vikrafellsleið og styður því tillögu A sem sett er fram í Starfshópi um samgöngur í Vatnajökulsþjóðgarði. Ef niðurstaða stjórnar Vatnajökulsþjóðgarðs verður hinsvegar sú að Vikrafellsleið verði opin fyrir vélknúinni umferð yfir sumartímann, sbr. tillögu B, telur undirrituð að endurskoða eigi allt vegakerfi þjóðgarðsins norðan Vatnajökuls m.t.t. náttúruminja svæðisins, víðerna, göngusvæða og öræfakyrðar. Ef breyting er gerð á einni leið/einu svæði með þessum hætti hefur það áhrif á allt skipulag svæðisins;

aðkomu, þjónustu, skerðingu víðerna, upplifun og fleira. Það er því nauðsynlegt að horfa á heildarmynd og heildarskipulag alls svæðisins með tilliti til verndunar og landnotkunar en ekki eingöngu einstakar leiðir. Þá er eðlilegt að sambærileg rannsókn sem lögð er til fyrir Vonarskarð verði gerð fyrir allt hálendissvæði Norðursvæðisins, ekki aðeins Vikrafellsleið eins og tillaga C gerir ráð fyrir. Einnig telur undirrituð þörf á að matskylda Vikrafellsleiðar verði skoðuð m.t.t. laga um mat á umhverfisáhrifum, en hún fer um merkilegt jarðminjasvæði.

Ein helsta forsenda lokunar Vikrafellsleiðar fyrir bílaumferð, sem virðist lengst af hafa verið mjög fáfarin leið sem fáir vissu um, var að skilgreina stórt samhangandi víðerni norðan Dyngjufjalla og hafa þar víðfemt gönguland með öræfakýrrð. Í stærsta þjóðgarði Evrópu, sem stofnaður var með það að leiðarljósi að fylgja alþjóðlegum viðmiðunum um þjóðgarða og friðlýst svæði, eiga menn að geta leyft sér að skilgreina stór víðerni inn á hálendi Íslands. Víðerni sem falla að alþjóðlegum viðmiðunum.

3. Ársfundur 2012, staðsetning og þema

Menn sammála um að ársfundur hafi þemað GJALDTAKA Í ÞJÓÐGARÐINUM. Athuga með Skjólbrekku. 3. mars til vara 10. mars og 17. mars 2012

4. Önnur mál

Ekki hefur neinn aðili verið tilnefndur af hálfu Ferðamálasamtaka Norðausturlands eftir að Stefán Tryggvason gaf ekki kost á sér lengur í svæðisráðinu í september 2011.

Fundi slitið kl. 17:40